

b) Medalla.

Anverso.

Está formada por unha base de metal cun baño de ouro. No centro dela, sobre unha cruz azul esmaltada en fondo gris, levará o escudo de Galicia policromado coa lenda Policía Local na parte inferior. O tamaño da medalla será de 43 mm de alto por 35 mm de largo. O pasador que a suxeita ao uniforme será de 36 mm de largo e 11 mm de alto; a cinta que colga do pasador, e da que pende a medalla, será de 30 mm de largo e 43 de alto, de cor azul cunha franxa de 3 mm en cor branca a ambos os lados.

Esta medalla utilizarase naquelas ocasións en que se utilice o uniforme de gala.

Reverso.

Levará gravada na zona central a lenda Placa individual ao mérito da policía local; e debaixo Xunta de Galicia.


c) Pasador.

O pasador consiste en dúas barras de metal dourado de 4 mm de largo e 12 mm de alto, separadas entre si por unha cinta de cor azul de 30 mm de largo e 10 mm de alto, atravesada verticalmente por dúas franxas de cor branca de 4 mm de largo, que estarán situadas a 5 mm de cada barra do pasador. No medio deste conxunto figurará o debuxo en miniatura da medalla correspondente.

Este pasador utilizarase na uniformidade ordinaria ou de servizo.


d) A insignia de lapela.

A insignia consiste nunha reprodución en miniatura da medalla correspondente. Levará no reverso un sistema de fixación que facilite poder colocala na lapela da roupa de paisano daquela persoa á cal lle fose concedida esta distinción.



e) O diploma.

O diploma é a certificación da concesión da distinción. Realizarase en papel tipo pergameo, en cor branca, de 300 mm de largo por 210 mm de alto, ribeteado en todo o seu contorno por unha franxa gris de 8 mm de largo, a unha distancia de 8 mm do extremo do pergameo. No anverso unha franxa de cor azul clara e de 12 mm de largo ocupará a diagonal interior de esquerda a dereita. Na parte superior, centrado, figurará o escudo de Galicia. O texto literal é o que aparece no debuxo.



ANEXO III

Medalla ao mérito da policía local, pasador, insignia de lapela e diploma correspondente

a) Medalla.

Anverso.

Está formada por unha base de metal cun baño de prata con formato de placa policial. No centro desta, en fondo azul claro, levará o escudo de Galicia policromado, e debaixo a lenda Policía Local. O tamaño da medalla será de 43 mm de alto por 35 mm de largo. O pasador que a suxeita ao uniforme será de 36 mm de largo e 11 mm de alto; a cinta que colga do pasador, e da que pende a medalla, será de 30 mm de largo e 43 de alto, de cor azul clara cunha franxa de 3 mm en cor amarela a ambos os lados.

Esta medalla utilizarase naquelas ocasións en que se utilice o uniforme de gala.